

80/24
ՀԱՄԱՅՆՈՒԹԱՆԻ ԳՐԱԴԱՐԱՆ

=24=
ՎՈՐԳՈՆ ԳՐԱԴԱՐԱՆ

ԻՆՉ ՊԵՏՔ Ե ԻՄԱՆԱ ՅԵՎ ԱՆԻ
ՏՆՏԵՍԱՎԱՐԱԿԱՆ ԱՇԽԱՏՈՂԸ
ՅԵՐԻՏԱՍԱՐԴՈՒԹՅԱՆ ՄԵԶ

Պետական հրատարակչություն
Յերեվան—1926

(14+15)

18 JUL 2017

ԿՈՄՅԵՐԻՏԱԿԱՆ ԳՐԱԴԱՐԱՆ

3231330

ՎԵՐԳՆ ԳՐԱԴԱՐԱՆ

ԻՆՉ ՊԵՏԲ Ե ԻՄԱՆԱ ՅԵՎ ԱՆԻ
ՏՆՏԵՍԱՎԱՐԱԿԱՆ ԱԶԽԱՏՈՂԸ
ՅԵՐԻՏԱՍԱՐԴՈՒԹՅԱՆ ՄԵԶ



Պետական հրատարակչություն
Յերիվան—1926.

ԱՌԱՋԱԲԱՆ.

Մենք բոլորս ել գիտենք, թե ինչ խոշոր դեր ե կատարում և պետք ե կատարի աշխատավոր յերիտասարդության ներկայացուցիչը արհմիությունների ստորին որգաններում այդ յերիտասարդության աշխատանքի պաշտպանության ու նրա պայմանների բարելավման գործում: Սակայն, չնայած դրան, մինչև որս այդ աշխատանքները տարվել են վոչ վորոշ սխառնով, այլ դեկավարվելով յուրաքանչյուր դեպքի համար կցկտուր կարգադրություններով կամ, լավագույն դեպքում, պարբերական մամուլում հայտարարված համապատասխան ցուցմունքներով, այսպիսով ստեղծելով յերիտաներկայացուցչի համար մի ավելորդ և շատ դեպքերում դժվարին ու մինչև

Գրանդավար № 259 ք. Տիրած 4000.

Գրատի առաջին տվարան վաղարշապատում



1-2352 9ր

անգամ անիրագործելի աշխատանք՝
ընթացիկ գրականության մեջ անհրա-
ժեշտ ցուցմունքները գտնելու:

Այդ պակասն ահա գալիս է լրացնե-
լու ընկ. Դարախնայանի բրոշյուրը, վորն
իմի հավաքելով յերիտասարդների ու
անչափահասների աշխատանքի պաշտ-
պանությանը վերաբերող բոլոր կանո-
նադրությունները, տալիս է ընդար-
ձակ ու մանրամասն մեկնաբանություն-
ներ յերիտ-ներկայացուցիչների անե-
լիքների մասին, այսպիսով հանդի-
սանալով նրանց համար մի անհրաժեշտ
ուղեցույց:

Սա մի ուղեցույց է, վորն իր հինգ
մատի պես պետք է գիտենա յերիտ-
ներկայացուցիչը գործարանային տեղ-
կումներում և բատրակկումներում ու
ամեն մի քայլափոխում առաջնորդվի
նրանով:

Հ.ԿՅԵ. Միուսթյան Կ. Կ.

Տեսեսա-իրավական Հանձնաժողով

ԼԿՅԵՄ ՆԵՐԿԱՅԱՅՈՒՅՁԻ ԽՆԴԻՐՆԵՐԸ ԳՈՐԾԱՐԿՈՄՆԵՐՈՒՄ.

Յուրաքանչյուր գործարտեղկումում
ԼԿՅԵՄ բջիջը նշանակում է մի ներ-
կայացուցիչ արհմիության տեղական
աշխատանքներին մասնակցելու համար:
Յեթե ձեռնարկությունը ԼԿՅԵՄ բջիջ
չունի, ապա հիշված աշխատանքները
տանում է Կոմյերիտմիության ներ-
կայացուցիչը արհմիության կենտվար-
չություններում և ԼԿՅԵՄ գավկոմ-
ները, վորոնք աշխատակից են նշանա-
կում տվյալ ձեռնարկության մեջ աշ-
խատելու:

Այդ ներկայացուցիչը տանում է
ձեռնարկության յերիտասարդների մեջ
հասարակական աշխատանք, դեկավար-
վելով արհմիության և Կոմյերիտմիու-
թյան որդանների, յերիտասարդության

ընդհանուր ժողովի և ԼԿՅԵՄ ու տեղ-
կումի խորհրդակցությունների վորոշում-
ներով. իր աշխատանքներով նա հաշվե-
տու յե ԼԿՅԵՄ, արհմիության Կ. Վ.
ներկայացուցչի և ԼԿՅԵՄ Կ. Կ.-ի առաջ,
ինչպես նաև տեղի աշխատանքներին
ծանօթ լինելու համար հաշվետու յե նաև
տվյալ ձեռնարկության յերիտասարդու-
թյան ընդհանուր ժողովի առաջ: Նա
հաշվետու յե նաև համապատասխան
գավկումի և ԼԿՅԵՄ իության բջիջի առաջ:
Այդ բոլորն արվում ե նրա համար, վոր-
պեսզի ծանոթանան յերիտասարդները
և նրա բարձրագույն ղեկավար որդան-
ները, թե ինչ ե կատարել ներկայա-
ցուցիչը գործարտեղկումում: Հաշվե-
տվության ժամանակ արվում են զանա-
զան առաջարկություններ, յեթե նրանք
իսկապես բարելավում են տվյալ հիմ-
նարկության կամ ձեռնարկության յե-
րիտասարդության դրությունը:

Ծանոթութիւն.— Ձեռնարկության յե-
րիտասարդների ընդհանուր ժողովի վորո-

շումները պարտադիր են, յեթե նրանք
չեն հակասում արհմիության և Կոմյերիտ-
միության որդանների վորոշումներին:
Իսկ յեթե նրանք ընդունելի յեն, ապա
այդ հարցերը դրվում են համապատասխան
ժողովում:

ԼԿՅԵՄ ՆԵՐԿԱՅԱՅՈՒՑՁԻ ԽՆԴԻՐՆԵՐԸ ՏԵՂԿՈՄՆԵՐՈՒՄ.

ԼԿՅԵՄ ներկայացուցչի հիմնական ու
անմիջական խնդիրը տեղկումում հան-
դիսանում ե տվյալ ձեռնարկության
կամ հիմնարկության յերիտասարդների
կենցաղի ու դրության բարելավումը,
աշխատանքի պաշտպանությունը, հե-
ղափոխական, դասակարգային դիտա-
կցության զարգացումը և կուլտուրկը-
թական ու պրոֆտեխնիկական մակար-
դակի բարձրացումը: Այդ նպատակով
ներկայացուցչին առաջադրվում են
հետևյալ խնդիրները.—

1. Հետևել, վոր տվյալ ձեռնարկու-
թյան կամ հիմնարկության (թե մաս-
նավոր և թե պետական) վարիչները

կատարեն այն բոլորը, ինչ վոր պարտադիր ե յերիտասարդության համար. աշխատանքի նորմայի վորոշումը, անհափահասների վարձատրությունը — կրճատելով նրանց բանվորական ուրը, անհափահասների վարձատրությունը հարկավոր ե աշխատանքի համար մեծերի հետ հավասար և 2. Չաշխատած ժամերի վարձատրություն, 14 — 16 տարեկանների համար 4. ժամյա բանվորական ուր, 16 — 18 տար. — 6 ժամյա, տարեկան մեկ ամիս արձակուրդ տալ, անհափահասներին արձակուրդի փոխարեն կոմպենսացիոն վարձատրություն չտալ, այլ թողնել վոր հանգստանա, աշակերտը պետք ե աշխատի լավ վորակյալ բանվորի մոտ սովորելու համար, աշակերտության ժամանակաշրջանը սահմանել վոչ ավել 4 տարուց, անհափահասների քանակությունը աշխ-ժողկոմատի վորոշածից պակաս չպետք ե լինի, աշակերտին չպետք ե ծառայեցնել կողմնակի նպատակների, աշա-

կերտն իրավունք ունի պահանջելու փորձնական աշխատանք՝ բարձր կարգին անցնելու համար:

Վնասակար ու ծանր աշխատանքներ անհափահասներին արգելվում ե, անհափահասներին չթողնել գիշերային աշխատանքների: 16 տարեկանից ցածր հասակ ունեցողներին չնշգուծել աշխատանքի, յեթե չունի առողջության վկայական: Բրոնխ լրիվ անցկացնել հիմնարկության մեջ, հետևել, վորպեսզի չխախտվի արհմիության և տնտեսա-իրավական որդանի մեջ կնքված կոլ-լեկտիվ պայմանագիրը:

Ուրեմն ԼԿՅՅՄ ներկայացուցիչը գործարկումում կամ տեղկոմում հետևում ե, վորպեսզի այդ բոլորը կատարվեն: Յեթե նա նկատում ե շեղումներ, հայտնում ե իր ռայոնի աշխտեսչին, վորը լուրջ ուշադրություն կդարձնի այդ խախտումների վրա: Կարելի ե գործել նաև արհմիության կենտվարչության միջոցով: Վորպեսզի Կոմյերիտմիու-

Թյան ներկայացուցիչը ծանոթ լինի տեղկոմի գործունեությունը, հետ, նա պետք է ներկա լինի տեղկոմի կամ գործարկումի բոլոր ժողովներին, գնահատիչ-կոնֆլիկտային հանձնաժողովի նիստերին, առաջագրի այն բոլոր հարցերը, վորոնք վերաբերում են յերիտասարդությանը, և ակտիվ կերպով մասնակցի իր հարցն անցկացնելու գործում. յեթե չի հաջողվում, նա իրավունք ունի այդ հարցը փոխադրել պրոֆորգաններին մոտ, վորտեղ կմասնակցի Կոմյերիտմիության արհմիության Կ. Վ. ներկայացուցիչը:

ԼԿՅՅՄ ներկայացուցիչը պետք է մասնակցի աշխատանքի ընդունման և հեռացման, ինչպես նաև յերիտասարդների պաշտոնների փոփոխություններ, վորոնք գործին. գոյություն ունեցող ընդհանուր կանոնների և կոլեկտիվ պայմանների հիման վրա այդ բոլորը չըպետք է կատարվի առանց նրա գիտություն:

Պետք է միջոցներ ձեռք առնի բերելովելու յերիտասարդների կյանքը և աշխատանքի պայմանները, նպաստի այն միջոցներին, վորոնք բարելավում են յերիտասարդ աշխատավորության բնակարանային կացությունը, վորովհետև լավ բնակարանից է կախված նրա առողջությունը: Պետք է գրավի յերիտասարդներին բաղ-պրոֆաշխատանքների, ֆիզկուլտուրայի, պրոֆտեխնիկական կրթություն ստանալու և այլն:

ԼԿՅՅՄ ներկայացուցիչն ակտիվ կերպով պիտի մասնակցի ավյալ ձեռնարկության բոլոր յերիտասարդներին գրավելու ակումբային աշխատանքներին, վորտեղ կարգացվում են դասախոսություններ, տրվում են ներկայացումներ, լինում են սպորտական պարապմունքներ և ուրիշ կուլտուր-կրթական աշխատանքներ: Ձեռնարկությունը պրոֆմիության Կ. Վ. ներկայացուցչի, զավկոմի տեղկոմական լիազորի կամ ԼԿՅՅՄ համապատասխան կոմիտեյի ղեկավարու-

թյամբ պետք է կանոնավոր կերպով ստանա ու տարածի թերթեր և ժուրնալներ, ինչպես, որինակ՝ «Ավանգարդ», «Մաճկալ», Մասկվայի «Կոմսոմոլի Պրավդա» և միությունների բյուլլետեններ ու ժուրնալներ, որինակ՝ «Աշխատանքը»: Այդ բոլոր թերթերը մեր յերիտասարդությանը հնարավորություն են տալիս ծանոթանալ մեր ամբողջ յերիտասարդությանը և նրան հետաքրքրող հարցերին:

Պետք է նպաստել անգրագիտության շուտափուլի վերացմանը: Մասնակցել յերիտասարդության վորակավորման բարձրացման ու նրա դաստիարակության գործը լավ հիմքերի վրա դնելու գործին: Աշակցել, վոր դպրոցական հաստատություններն ուղարկվեն պրոլետար յերիտասարդները և բաւորակները:

Տվյալ հիմնարկության կամ ձեռնարկության յերիտասարդության մեջ ագիտացիա մղել արհշարժման ընթացիկ կամ պանիանների շուրջը: Գործադրելով-

ների միջոցով կազմակերպել կոլլեկտիվ ոգնություն պիոներին համապատասխան կոլլեկտիվին և կազմակերպել Սպարտակ կոլլեկտիվ քաղխորհրդի կամ գավխորհրդի ղեկավարությամբ:

Գրավել տվյալ ձեռնարկության կամ հիմնարկության անկուսակցական յերիտասարդությունը Կոմյերիտմիության աշխատանքների ու կազմի մեջ, ինչպես նաև գրավել նրանց մասնակցելու բոլոր այն հարցերի լուծմանը, վորոնք վերաբերում են յերիտ-շարժմանը պրոֆմիություններում, կոոպերացիայում և հասարակական ուրիշ ասպարեզներում:

Ձարգացնել միացած յերիտասարդության մեջ միութենական կարգապահություն և գիտակից վերաբերմունք դեպի իր աշխատանքային պարտականությունները:

Կատարել արհմիության Կ. Վ. ներկայացուցչի կամ համապատասխան գավկոմի առաջադրած բոլոր խնդիրները:

Յերիտասարդության մեջ աշխատողն իրեն առաջադրած խնդիրը կատարելիս չպետք է խառնվի ադմինիստրացիայի կարգադրություններին ու գործողություններին:

Աջակցել տեխնիկական ապարատի կանոնավոր գործունեյությանը և նրա մեջ աշխատող յերիտասարդության ժամանակի լավ ոգտագործմանը: Միջոցներ ձեռք լսոնել ծանոթացնելու յերիտասարդությանը տվյալ հիմնարկության խնդիրներին, ֆունկցիաներին, կառուցվածքի և աշխատանքների ընթացքի հետ:

Ծանոթութիւն.— Իր բոլոր նկատողությունները հիմնարկության վիճակի, ադմինիստրացիայի անկանոն գործողությունների և թերությունների մասին, ինչպես նաև այդ հոդի վրա ծագած բոլոր թյուրիմացությունների մասին, յերիտասարդության մեջ աշխատողն անհապաղ տեղեկացնում է ԼԿՅՆՄ Կ. Վ. ներկայացուցչին կամ գավ-վարչությանն ու ԼԿՅՆՄ գրովկոմին, իսկ այնտեղ միջոցներ ձեռք կառնվին համապատասխան կազմակերպությունների միջոցով:

ԸՆԴՀԱՆՈՒՐ ԺՈՂՈՎՆԵՐ ՅԵՎ ԽՈՐՀՐԴ
ԴԱԿՅՈՒԹՅՈՒՆՆԵՐ.

Ամիսը մի անգամից վոչ ուշ յերիտասարդության մեջ աշխատողը հրավիրում է յերիտասարդների ընդհանուր ժողով, վորտեղ տալիս է ինֆորմացիոն զեկուցումիւր գործունեյության մասին և քննության է դնում հարցերը, վորոնք առաջադրում են հիշված աշխատողի ու ընդհանուր ժողովի և Կ. Վ. ներկայացուցչի ԼԿՅՆՄ գավկոմի կողմից:

Արտակարգ ժողովներ հրավիրվում են ըստ անհրաժեշտության, կամ յեթե պահանջեն յերիտասարդության մեկ յերրորդը, Կ. Վ. գավ-վարչության ներկայացուցիչը և կամ տեղկոմը:

Ժողովի հրավիրման մասին 2 որ առաջ յերիտասարդության մեջ աշխատողը հայտնում է Կ. Վ. կամ գավ-վարչության ներկայացուցչին և ձեռնարկությունների յերիտասարդությանը:

Ծանոթութիւն.— Յերիտասարդութեան
ընդհանուր ժողով հրավիրվում է ԼԿՅԵՄ
տեղական բժիշկի և գավկոմի սանկցիայով
և զիտութեամբ, վորպէս կանոն՝ ընդհա-
նուր ժողովը պետք է տեղի ունենա վոչ-
բանվորական ժամերին, միայն բացառիկ
դեպքերում ադմինիստրացիայի կամ
ԼԿՅԵՄ Կ. Վ. կամ գավ-վարչութեան թույլ-
տվութեամբ բանվորական ժամերին և տե-
ղի ունենում:

Ընդհանուր ժողովում հարցերի բըն-
նութեանն ու վորոշմանը կարող են մաս-
նակցել բոլոր յերիտասարդները, վո-
րոնք պրոֆմիութեան անդամ են. բո-
լոր վորոշումները կայացվում են ձայ-
ների պարզ մեծամասնութեամբ: Ընդ-
հանուր ժողովն որինական է համար-
վում, յետե ներկա յե յերիտասարդ-
ների մեծամասնութիւնը: 2-րդ ժողով
հրավիրելիս հայտարարում են 3 որ ա-
ռաջ, և ժողովն իրական է արդեն ան-
կախ ներկա յեղողների թվից:

Ժողովի արձանագրութեան պատճենը
3 որից վոչ ուշ ներկայացվում է յերի-

տասարդութեան մեջ աշխատող ԼԿՅԵՄ
ներկայացուցչին կամ գավկոմին, վոր-
տեղից այդ պատճեններն ուղարկվում
են ԼԿՅԵՄ Կ. Կ.-ին, Կ. Կ.-ի տնտե-
սական կոմիտեի կարող է կասեցնել,
վերացնել կամ փոփոխութեան յետե ար-
կել ընդհանուր ժողովի այն վորոշում-
ները, վորոնք հակասում են արմիու-
թեան ու կոմյերիտմիութեան բարձրա-
գույն որդանների վորոշմանը և նույն
որդանների աշխատանքների ընդհանուր
գծին:

Ծանոթութիւն. — Շահագրգռվածները
կարող են բողոքել ընդհանուր ժողովի
վորոշման դեմ արմիութեան քարտուղա-
րութեան և ԼԿՅԵՄ Կ. Վ., գավ-վարչու-
թեան ներկայացուցչին և կամ, վերջապես,
ԼԿՅԵՄ կենտկոմին:

ԳՈՐԾԱՎԱՐՈՒԹՅՈՒՆ ՅԵՎ ՀԱՇՎԱՊԱ-
ՀՈՒԹՅՈՒՆ:

Յերիտասարդութեան մեջ տարվող
աշխատանքների գործավարութիւնը և
հաշվապահութիւնը տարվում է տեղ-

1-235291

կումի կամ բատրակկումի տեխնիկա-
կան ապարատի միջոցով:

Յերիտասարդության մեջ աշխատողը
պարտավոր է 3 ամիսը մեկ անգամ
հաշվետվութիւն ներկայացնել ԼԿՅԵՄ
Կ. Կ. կամ կենտվարչության ներկա-
յացուցչին իր գործունեության մա-
սին գրավոր կերպով. նույնը ներկա-
յացնում է ԼԿՅԵՄ համապատասխան
գավկումին, վորտեղից դրանց պատճեն-
ներով պետք է ուղարկեն ՀԿԼՅԵՄ իու-
թյան կենտկումի տնտեսական հան-
ձնաժողովին:

Հիմնարկության կամ ձեռնարկության
լիկվիդացիայի գեպքում յերիտասարդու-
թյան մեջ աշխատողը պարտավոր է իր
գործերը հանձնել ԼԿՅԵՄ արհմիութենա-
կան կամ գավ-վարչության ներկայա-
ցուցչին:

Ի՛նչ ՊԵՏԲ Ե ԻՄԱՆԱ ՈՒ ԱՆԻ ՅԵՐԻ-
ՏԱՍԱՐԴՈՒԹՅԱՆ ՆԵՐԿԱՅԱՅՈՒՅԻԶԸ
ԳՈՐԾԱՐԿՈՄՈՒՄ, ՏԵՂԿՈՄՈՒՄ,
ԳՆԱՆԱՏԻԶ-ԿՈՆՖԼԻԿՏԱՅԻՆ ՀԱՆՁՆԱ-
ԺՈՂՈՎՈՒՄ ՅԵՎ ԲԱՏՐԱԿԿՈՄՈՒՄ.

1. Դու ընտրվում ես նրա համար,
վորպեսզի գործարկումում, տեղկումում
և Գ. Կ. հանձնաժողովում պաշտպանես
քո հիմնարկության կամ ձեռնարկու-
թյան յերիտասարդների շահերը:

2. Դու պետք է գիտենաս յերիտա-
սարդների աշխատանքի նոր կողքեր,
բացատրես այն յերիտասարդության և
հետևես, վոր կանոնավոր կիրառվի կյան-
քում:

3. Դու պետք է իրազեկ լինես տե-
ղական ու արհեստակցական որդան-
ների բոլոր այն վորոշումներին, վորոնք
վերաբերում են աշխատավոր յերի-
տասարդների աշխատանքին և կենցա-
ղին, շարունակ ծանոթանալով և ծա-
նոթացնելով բոլոր յերիտասարդներին

այդ հարցի մասին յեղած զրականութեան հետ:

4. Դու պետք ե ծանոթացնես յերիտասարդներին պրոֆիկազմակերպութիւնների նշանակութեան և նրանց առաջ դրված աշխատանքային հարցերի հետ, ինչպես նաև բանվոր յերիտասարդութեան կենցաղի, դաստիարակութեան հարցերին և ազիտացիա մղես բանվոր յերիտասարդութեան արհմիութեան մեջ մտնելու ոգտին:

5. Դու պետք ե շարունակ հաշվի առնես բանվոր յերիտասարդութեան շահերը, պահանջներն ու հարցապընդումները և աշխատես կիրառել կյանքում:

6. Դու պետք ե ճիշտ գաղափար ունենաս քո հիմնարկութեան կամ ձեռնարկութեան բանվոր յերիտասարդութեան վիճակի մասին, այդ պատճառով քո հիմնարկութեան բոլոր յերիտասարդներին պետք ե զրանցման յենթարկես:

7. Դու պետք ե աշխատես լավա-

ցնել բանվոր յերիտասարդութեան, գործարանային աշակերտութեան աշխատանքի, կենցաղի և դաստիարակութեան պայմանները:

8. Վորպեսզի քո աշխատանքները հաջող ընթանան, դու պետք ե ներկա գտնվես գործարկումի կամ տեղկումի և Գ.-Կ. Հ. բոլոր ժողովներին և այնտեղ պաշտպանես յերիտասարդութեան շահերն ու անցկացնես նրանց պահանջները:

9. Հիմնարկութեան ադմինիստրացիայի և յերիտասարդութեան մեջ ծագած կոնֆլիկտները պետք ե լուծես տեղկումի կամ գործարկումի հետ միաօին:

10. Պետք ե հետևես վոչ միայն քո հիմնարկութեան, այլև տնայնագործ յերիտասարդների կյանքին, տեղեկութիւններ հաժաքես նրանց մասին, յերիտասարդների աշխատանքների կողքսի խախտման մասին և ներկայացնես տվյալ շրջանի աշխատեսչին, վորը միջոցներ ձեռք կառնի:

11. Պետք է սերտ կապ պահպանես բլի՛նի հետ, վորի ներկայացուցիչն ես ընտրվել տեղկոմում կամ գործարկոմում և Գ.-Կ. Հ.-ում, նաև ԼԿՅՅՄ գավկոմի և ԼԿՅՅՄ արհմիութենական ներկայացուցչի հետ և կանոնավոր կերպով հաշվետվություններ ներկայացնես այդ կազմակերպություններին:

12. Դու պետք է հետևես, վորպեսզի կոլեկտիվ պայմանագրերում յերիտասարդությանը վերաբերող կետեր մտցվեն և այդ կետերը կանոնավոր կատարվեն: Կոլեկտիվ պայմանագրերին պետք է ծանոթացնել ԼԿՅՅՄ-թյան ներկայացուցչին և քննության դնել բլի՛նի ժողովում:

13. Պետք է հետևես, վորպեսզի 16 տարեկանից ցած անչափահասն առանց աշխատեսչի թույլտվության աշխատանքի չընդունվի:

14. Պետք է լավ հետևես, վորպեսզի 16 տարեկանից փոքրերն աշխատեն 4 ժամ, իսկ մինչև 18 տարեկանները՝ 6 ժամ:

15. Պետք է հետևես, վորպեսզի անչափահասներին գիշերալին և արտաժամյա աշխատանքներ չտան:

16. Պետք է հետևես, վոր չվորակված անչափահասին հատավճար աշխատանք չտան:

17. Պետք է հետևես, վոր յուրաքանչյուր անչափահաս թե աշխատող և թե նոր ընդունվող յենթարկվի բժշկական քննության և լրացնի սանիտարական թերթիկը:

18. Պետք է հետևես, վոր անչափահասները չուղարկվեն վնասակար ու վտանգավոր աշխատանքների. այդպիսի աշխատանք կատարող անչափահասներին փոխադրում են ավելի հեշտ ու անվտանգ աշխատանքների:

19. Պետք է հետևես, վոր անչափահասներին կանոնավոր կերպով արձակուրդներ տրվեն, մանավանդ ամառվա որերին, և արձակուրդները լավ ոգտագործվեն անչափահասներին կողմից տանը կամ բուժանոցներում:

20. Պետք է հետևես, վոր անչափահասներն ստանան արտհագուստ, հասակավոր բանվորների հետ միասին:

21. Դու պետք է հետևես, վոր 4—6 ժամ աշխատող անչափահասները լրիվ բանվորական որվա վարձատրություն ստանան:

22. Պետք է հետևես, վոր 4 ժամ աշխատող անչափահաս բանվորների մշակման նորման չանցնի հասակավոր բանվորի նորմայի կեսից, իսկ 6 ժամ աշխատողներինը՝ յերեք քառորդից: Դու պետք է մասնակցես մշակման նորմաները վորոշելիս:

23. Պետք է մասնակցես անչափահասների տարիֆը վորոշելիս:

24. Դու պետք է հետևես, վոր անչափահասի պահանջով նրան տրվի փորձնական աշխատանք՝ բարձր վորակ ստանալու համար:

25. Պետք է հետևես, վոր անչափահասի մթերային վարձատրությունը հավասար լինի հասակավորներին:

26. Դու պետք է հետևես, վորպեսզի պարտադիր տոկոսներն անցկացնելիս անչափահասներն ընդունվեն յերիտ-սեկցիայի բորսայից:

27. Պետք է հետևես, վոր անչափահասների կրճատումը կատարվի համեմատական չափով հասակավորների կրճատման հետ:

28. Հետևիր, վորպեսզի անչափահասների քանակությունն արտադրության մեջ ժողկոմխորհի վորոշած նորմաներից պակաս չլինի (վորի ցուցակը ներքևում բերում ենք):

29. Հետևիր, վոր աշակերտին կողմնակի գործերով չզբաղեցնեն:

30. Հետևիր, վոր անհատ աշակերտության սովորեցման գործը կանոնավոր դրված լինի արհեստանոցներում, գործարանի բաժիններում և ընդհանրապես գործարաններում:

31. Հետևիր, վոր յերիտասարդներն աշխատանքից հետո հաճախեն ակումբ, դպրոց, դասընթացներ, խրճիթ-ընթեր-

ցարաններ և այլն՝ իրենց կուլտուրական մակարդակը բարձրացնելու համար:

32. Հետևի՞ր բանվոր ու բատրակ յերիտասարդության ֆիզիկական զարգացմանը և ֆիզիկուլտուրայի մասնաշաղկապմանը:

33. Դու պետք ե կապված լինես քո թերթի՝ «Ավանգարդի» հետ և միջոցներ ձեռք առնես նրա լայն տարածման համար յերիտասարդության մեջ և այնտեղ լուսաբանես հիմնարկության մեջ աշխատող բանվոր յերիտասարդության կյանքը:

34. Ուշադրություն պետք ե դարձնես վարձողի և բատրակի միջև աշխատանքային պայմանագիր կնքելուն և այդ պայմանագիրը կյանքում անխախտ կերպով կիրառելուն:

ԱՇԱԿԵՐՏՆԵՐԻ ՏԱՐԻՖԻ ՄԱՍԻՆ.

Մինչև այժմ կիրառվող անչափահասներին վարձատրելու ձևը (կարգից կարգ մեքենայաբար փոխադրելը) մի

կողմից հանգեց նրան, վոր անչափահասները յերկար ժամանակի ընթացքում միևնույն կատեգորիայով վարձատրվեցին, մյուս կողմից հաճախ բարձրացվում եր անչափահասի տարիֆը, ու հեր բարձրացվում նրա վորակավորումը. որինակ՝ ՌԼԿՅԵՄ համառուսական վերջին խորհրդակցությունը համարելով, վոր անչափահասների աշխատանքի վարձատրության ձևը չի բղխում իրենց աշակերտ-անչափահասի շահերից, վորոշեց, փոխանակ կատեգորիան մեքենայաբար բարձրացնելու, բարձրացնել նրանց տարիֆը—համապատասխան վորակավորման բարձրացման— սովորելու ընթացքում, իսկ առաջին կիսամյակում վարձատրել նրան (աշակերտին) վոչ պակաս քան առաջին կատեգորիայով:

Այսպիսով վորակավորման բարձրացման հետ միասին բարձրացվում ե և տարիֆը:

Դրանով մենք մի կողմից բարելա-

վում ենք մեր տնտեսությունը, մյուս կողմից կպահպանենք անչափահասների իրական աշխատավարձը և մինչև անգամ կբարձրացնենք այն բարձր կատեգորիաների. փոխադրվելու համար աշակերտները տալիս են փորձնական աշխատանք կամ քննություն 3 - 6 ամսից վոչ ուշ:

Այդ քննությունը կամ փորձնական աշխատանքն աշակերտը կարող է տալ յերբ ցանկանա: Ստուգումը կատարում է Գնահատիչ-կոնֆլիկտային հանձնաժողովը:

Անհրաժեշտ է հատուկ ուշադրություն դարձնել տնայնագործական արտադրություններում զբաղված աշակերտների տարիֆին: Այստեղ պետք է գործադրել աշխատանքային պայմանագրերի յեզրակացությունները:

Ինչ վերաբերում է գործարանային դպրոցների աշակերտության, մենք այդպիսին առաջիմ չունենք, բայց պետք է աշխատել ունենալ:

Անհատ-աշակերտները կարող են հատավճար աշխատանք վերցնել, միմիայն վորոշ վորակավորում ստանալուց հետո: Կատեգորիան բարձրացնելիս պետք է հաշվի առնել վոչ միայն գործնական, այլ և տեսական գիտելիքները:

ԱՆՀԱՏ ԱՇԱԿԵՐՏՈՒԹՅԱՆ ՄԱՍԻՆ.

1. Ձեռնարկություններում յուրաքանչյուր տարվա ու յուրաքանչյուր մասնագիտության անհատ-աշակերտության սովորելու ծրագիր է մշակվում:

Այդպիսի ծրագիր մշակելու համար ընտրվում են կոմիտեիաներ ըստ հաստատության, կենտ-կոմիտեիաներ ըստ արհմիությունների, վորոնց կազմի մեջ մտնում են ԼԿՅՄ ներկայացուցիչները, արհմիության ներկայացուցիչները և վարչությունները: Տեղական կոմիտեիաների վորոշումները պետք է հաստատվեն Կենտրոնական Կոմիտեիայի կողմից, վորից հետո նրանք ուժի մեջ են մտնում:

2. Յուրաքանչյուր աշակերտ պետք է աշխատի գործարանի վորոշ բաժնում: Մի բաժնից մյուսը առանց լուրջ հիմքերի փոխադրելը բոլորովին անթույլատրելի յէ:

3. Արդյունաբերության յուրաքանչյուր ճյուղի համար բաժնից բաժին փոխադրելու վորոշ կանոն է մշակվում, փոխադրությունը կատարվում է Գ. Կ. Հ. և ԼԿՅՅՄ համաձայնությամբ:

4. Յուրաքանչյուր աշակերտ կատարում է միմիայն իր ուսումնասիրելիք աշխատանքը: Աշակերտին կողմնակի աշխատանքների համար ոգտագործելը բոլորովին անթույլատրելի յէ:

5. Աշակերտը վորոշ ժամանակամիջոցում, վոր արդյունաբերության յուրաքանչյուր ճյուղի համար վորոշված է, բայց վոչ ավել մեկ ամսից, ծանոթանում է գործարանային հաստատություններին:

6. Յուրաքանչյուր աշակերտ պետք է ամբարցրած լինի մի բարձր վորակավո-

րում ունեցող վարպետի, վորի վրա դրվում է աշակերտին սովորեցնելու ամբողջ պատասխանատվությունը. յեթե վարպետը հատավճար աշխատանք է կատարում, նրան ամրացված աշակերտը պահվում է հիմնարկության հաշվին:

7. Անչափահասությունից դուրս յեկած աշակերտները, վորոնք ինչ-ինչ պատճառներով չեն կարողացել իրենց արհեստի դասընթացն անցնել, պետք է նշանակվեն այնպիսի աշխատանքի, վոր հնարավորություն տանրանց լրացնելու իրենց պակասները: Փոխադրման կարգն ու ժամանակամիջոցը վորոշում են Գ. Կ. Հ. և ԼԿՅՅՄ-ը:

8. Աշակերտների տարիֆը բարձրացնելու կարգը սահմանում է ՀԱՄԽ. պետք է իրավունք տրվի ներկայացնելու փորձնական աշխատանք:

9. Արհմիությունները, հիմնարկության վարիչը և ԼԿՅՅՄ կազմում են ամեն մի ձեռնարկության համար վորա-

կալորման բնորոշում՝ աշակերտներին կարգից կարգ փոխադրելու գործը հետադարձելու համար:

10. Մասնավոր և տնայնագործական ձեռնարկությունների աշակերտների հարցը կանոնավորելու համար արհմիությունները տերերի հետ աշխատանքային պայմաններ կնքելիս մտցնում են համապատասխան կետեր:

Ահա այն բոլորը, ինչ վերաբերում է սուրբին որդաններում աշխատող ՀԿՅԵՄ՝ ներկայացուցչին, վոր հինգ մատի պես պետք է գիտենա այս կանոնները և շարունակ դեկավարվի այս բրոշյուրով:

Աշխատանքս լրացնելու համար մեջ եմ բերում Ժողկոմխորհի վորոշումը պարտադիր տոկոսի մասին, վորը նույնպես անհրաժեշտ է գիտենալ:

Վ Ո Ր Ո Շ Ո Ւ Մ

Հ.Ս.Խ.Հ. ԺՈՂՈՎՐԴԱԿԱՆ ԿՈՄԻՍՍԻՆԵՐԻ ԽՈՐՀՐԴԻ

3 ապրիլի 1925 թվի

Ձեռնարկներուս պատանիների նվազագույն քանակությունը սահմանելու մասին:

Վորակյալ բանվորական ուժն անհրաժեշտ քանակությամբ վերականգնելու և Հ.Ս.Խ.Հ. նրանով ապահովելու նպատակով Ժող. Կոմիտեներին Խորհուրդը վորոշեց.

Ի փոփոխումս Հ.Ս.Խ.Հ. Ժող. Կոմիտեներին Խորհրդին 1922 թ. դեկտեմբերի 7-ի վորոշման ձեռնարկությունների մեջ պատանիների նվազագույն քանակություն սահմանելու մասին (դեկրետների և վորոշումների հավաքածու 1923 թ. նոյեմբ. 2, հոդ. 12) սահմանել հետևյալը.—

1. Հ. Ս. Խ. Հանրապետութեան մեջ
գտնվող ձեռնարկութիւններում վորո-
շել ստորև հիշատակված արդյունաբե-
րական և արտադրական ճյուղերի
նկատմամբ այն պարտադիր տոկոսը,
վորից պակաս չի կարող լինել 15, 16
և 17 տարեկան հասակ ունեցող պա-
տանինների թիվը տվյալ ձեռնարկութեան
մեջ զբաղված անձանց ընդհանուր քա-
նակութեան համեմատութեամբ:

2. Պատանիների տոկոսի չափը հի-
շատակված արտադրական ճյուղե-
րում.

1. Պոլիգրաֆիական արտադրութեան
մեջ 10
2. Մեծ կաշիներ մշակող գործարան-
ներում 3
3. Մանր կաշիներ մշակող գործա-
րաններում 5
4. Մեքենայական գործարանում 8
5. Ոճառի գործարանում 6
6. Ծխախոտի գործարանում 5
7. Գինու և կոնյակի գործարանում 4

8. Հանքային արդյունաբերութեան
մեջ 8
9. Ճոթեղենի արդյունաբերութեան
մեջ 10
10. Աղյուսի, քրամիտի և տոմետի
գործարաններում 15
11. Անուշեղենի արտադրութեան
մեջ 7
12. Պահածոյի գործարանում 10
13. Զիթահանքերում 5
14. Գյուղատնտես., այգեգործութեան,
բանջարաբուծութեան, մեղվա-
բուծութեան և այլ ճյուղերում 10
15. Պոստ-հեռագրական հիմնարկնե-
րում 15
16. Սղոցարաններում 5
17. Խոզանակներ արտադրող արհես-
տանոցներում 10
18. Ելեկտրոկայանում 6
19. Բամբակազտիչ գործարաննե-
րում 8
20. Մետաքսի գործարանում 5
21. Աղորիքներում 4

22. Հողի հետ կապված աշխատանք-
ներում (շինարարական և սև աշ-
խատանք) 3
23. Հյուսնոցներում 6
24. Ատաղձագործական արհեստանոց-
ներում 6
25. Բետոնի, յերկաթ-բետոնի ար-
հեստանոցներում 6
26. Մաքսատներում և ապրանքների
պահեստներում 10
27. Բեռների փոխադրության աշ-
խատանքներում 10
28. Սայլեր նորոգող արհեստանոց-
ներում 8
29. Ավտոշրային, փոխադրական աշ-
խատանքներում 8
30. Փականագործական, մեքենայա-
կան արհեստանոցներում 10
31. Քարտաշության աշխատանքնե-
րում 3
32. Ծեփարարության աշխատանքնե-
րում 5
33. Ներկարարական աշխատանքնե-
րում 7

34. Կենդանագրական աշխատանքնե-
րում 10
35. Սալահատակելու աշխատանքնե-
րում 3
36. Տակառագործական աշխատանք-
ներում 6
37. Վարսավիրանոցներում 10
38. Գարեջրի գործարաններում 10
39. Լիմոնադի գործարանում 15
40. Փռերում 10
41. Թիթեղագործական աշխատանք-
ներում 10
42. Գործարանում, մանարանում,
կոշկակարանոցում, դերձականո-
ցում, չստանոցում, զլխարկ կա-
րելու և ձիու սարքերի արհեստա-
նոցներում 10
43. Ձկնորսական աշխատանքներում 10

Ծանոթություն.— Այն դեպքերում, յերբ
վարձու աշխատավոր ունեցող ձեռնարկու-
թյան համար սահմանված տոկոսը կազ-
մում և կես մարդ կամ ավելի, պիտի ամ-
բողջ մարդ ընդունել, իսկ կեսից պակաս
կազմելու դեպքում պատանի չի պահվում:

3. Սուլյն վորոշման 2-րդ հոդվածում հիշատակված պատանիների քանակության նվազագույն չափը պարտադիր ե թե պետական և թե մասնավոր ձեռնարկությունների համար:

4. Այն ձեռնարկությունները, վորոնց 15, 16 և 17-տարեկան պատանի աշխատողների թիվը պակաս ե սուլյն վորոշման 2-րդ հոդվածում մատնանշված տոկոսից, պարտավոր են մինչև սուլյն թվի ասլրիլ ամսի վերջը պատանիների թիվը սահմանված քանակության հասցնել:

5. Այն ձեռնարկությունները, վորոնք սուլյն վորոշման հրատարակման պահին ավելի մեծ թվով պատանի աշխատավորներ կունենան, քան ներկա վորոշման սահմանված չափը, պարտավոր են նախկին մեծ թիվը պահպանել մինչև պատանիների 18 տարեկան դառնալը:

6. Սուլյն վորոշման 2-րդ հոդվածով պարտադիր նվազագույն չափեր սահ-

մանելը չի զրկում ձեռնարկություններին սահմանված պարտադիր նվազագույն քանակությունից ավելի մեծ թվով պատանի աշխատավորներ ունենալու իրավունքից:

Ծանոթություն.— Պատանի աշխատավորների քանակության կրճատումները կարող են տեղի ունենալ միմիայն բանվորների ընդհանուր թիվը կրճատելիս և համեմատական չափով այնպես, վոր սուլյն վորոշման 2-րդ հոդվածով սահմանված չափերը չնվազեն:

7. Հ. Ս. Խ. Հ. աշխատանքի Ժող. կոմիսարիատին իրավունք ե վերապահվում ՀԱՄԽ-ի և համապատասխան տնտեսական մարմինների փոխադարձ համաձայնությամբ պատանի աշխատավորների պարտադիր նվազագույն տոկոս սահմանել նաև արտադրաարդյունաբերական այն ճյուղերի համար, վորոնք սուլյն վորոշմամբ չեն նախատեսանված, ինչպես և սուլյն վորոշմամբ սահմանված չափերի փոփոխության

մասին պատշաճ միջնորդություն հա-
րուցել Հ. Ս. Խ. Հ. բարձր որենսդրա-
կան մարմինների առաջ:

8. Աշխտողկոմատին և նրան համա-
պատասխան մարմիններին հանձնարար-
վում է խիստ հսկողություն ունենալ
սույն վորոշման ճիշտ գործադրության
վրա:

Ժողկոմխորհի ցախագահ՝ ԼՈՒԿԱՇԻՆ
Ժողկոմխորհի Քարտուղար՝ ՍԹԱՅԵԳՅԱՆ

ԻՆՉ ՊԵՏՔ Ե ԻՄԱՆԱ ՅԵՎ ԱՆԻ
ԱՇԽՏԵՍՈՒՉՆԵՐԻ ՇՏԱՏՈՎ ՅԵՎ
ԱՆՇՏԱՏ ԱՍՍԻՍՏԵՆՏԸ (ՈԳՆԱԿԱՆԸ).

1. ԸՆԴՀԱՆՈՒՐ ԴՐՈՒԹՅՈՒՆ.

1. Շտատով և անշտատ ասսիստեն-
տուրայի խնդիրն է՝ հսկել, վոր կյանքի
մեջ լրիվ կիրառվեն անչափահասների
աշխատանքին վերաբերող բոլոր որենս-
դրությունները պետական, մասնավոր,
հասարակական, կոոպերատիվ և տնայ-
նագործական բոլոր ձեռնարկներում:

2. Շտատով, ինչպես նաև անշտատ
աշխատանքի ասսիստենտները հանդի-
սանում են ԼԿՅԵՄ-ի ներկայացուցիչ-
ներ աշխատանքի պաշտպանության
որգաններում և նշանակվում են ԼԿՅԵՄ-ի
ակտիվ անդամների շարքերից ԼԿՅԵՄ
գավկոմից և հաստատվում աշխատանքի
համապատասխան բաժիններից:

3. Աշխատանքի նպաստավոր պայ-
մաններ ստեղծելու համար ասսիստենտ-
ներն ամրացվում են ավելի փորձա-
ռու և հին աշխտեսուհիներին:

2. ԱՍՍԻՍՏԵՆՏՆԵՐԻ ԻՐԱՎՈՒՆՔՆԵՐՆ ՈՒ
ՊԱՐՏԱԿԱՆՈՒԹՅՈՒՆՆԵՐԸ.

4. Աշխտեսուհիների ասսիստենտներն
իրենց գործունեյության ժամանակ ղե-
կավարվում են գոյություն ունեցող
բոլոր որենսդրություններով, հրահանգ-
ներով և համապատասխան դիրեկտիվ-
ներով անչափահասների աշխատանքի
մասին, վորը տալիս է աշխտողկոմատը:

5. Աշխտեսուհիների ասսիստենտները

մշտական մասնակցութիւնն են ունենում աշխատանքի տեսուչների աշխատանքներին, միասին քննութիւն յենթարկելով հաստատութիւններն ու ձեռնարկները:

6. Բացի հիմնարկութիւնները միասին շրջագայելուց, աստիստենտները պարտավոր են աշխտեսչի առանձին հանձնարարութիւններով հաճախել ձեռնարկութիւնները, հաստատութիւններն ու անտեսութիւնները՝ ծանոթանալու համար անչափահասների աշխատանքի պայմանների հետ և ստուգելու, թե կատարվե՞լ են արդյոք աշխտեսուչների արած պահանջները:

7. Աստիստենտներն իրավունք չունեն ինքնուրույն կերպով հետազոտման արձանագրութիւններ կազմելու, և հիմնարկներին զրավոր կամ բանավոր պահանջներ անելու աշխատանքի որեւիքների նկատմամբ խախտումները վերացնելու մասին, այլ կազմում են հետազոտման հարցադրակը, հանձ-

նում են աշխտեսչին համապատասխան միջոցներ ձեռք առնելու համար:

8. Անչափահասների աշխատանքի որեւիքների խախտում նկատելու դեպքում աշխտեսչի աստիստենտները բազմակողմանիորեն ուսումնասիրում են խախտման փաստը, նրա պատճառները և նշում դրա առաջն առնելու միջոցները, վորի մասին իր ժամանակին հայտնում են աշխտեսչին, վորն իրեն ներկայացրած տեղեկութիւնների համաձայն տալիս է վերջնական յեղրակացութիւն համապատասխան կարգադրութիւնների ձեով կամ հատուկ լուրջ դեպքերում անձնական լուրջ քննութիւն է կատարում:

9. Աշխատանքի տեսչութիւնն ու հսկողութիւնն ընդհանուր խնդիրների ասպարիկում աշխատանքային բոլոր որեւիքութիւնների (աշխատանքի կողքոս, տեղական և կենտրոնական վորոշումներ, լրացումներ) կատարման համար աստիստենտը խստորեն ղեկավարվում է

աշխատանքի տեսչության տված ցուցմունքներով (հրատարակված 1923 թվի հոկտեմբերի 16-ին № 123):

10. Աշխատելով աշխտեսչի ցուցմունքներով մասնակցել աշխտեսչի հետ ընդհանուր աշխատանքներին, աստիտենտը հատուկ ուշադրություն է դարձնում փոքրահասակների աշխատանքի պաշտպանության հարցին, այն փոքրահասակների ու անչափահասների, վորոնք աշխատում են մասնավոր տնայնագործական և կոոպերատիվ ձեռնարկություններում:

11. Անչափահասների աշխատանքի պաշտպանություն մասին գոյություն ունեցող որենքներն իրականացնելու համար աստիտենտները պարտավոր են՝

ա. կանոնավոր հաճախել իրենց տեսչության շրջանում գտնվող բոլոր հաստատություններն ու ձեռնարկությունները:

բ. Մասնակցել աշխտեսուհիների կողմից բանվորների և ծառայողների ըն-

դունելությունը, ինչպես և անչափահասներին վերաբերող ընդունելություններին:

գ. Մասնակցել պետական, արհեստակցական և ԼԿՅՆՄ կազմակերպությունների բոլոր այն աշխատանքներին, վորոնք կապ ունեն անչափահասների աշխատանքների պաշտպանություն հարցի հետ:

դ. Պետական, հասարակական և մասնավոր հիմնարկներում, ձեռնարկություններում, տնայնագործական և առևտրա-արդյունաբերական ու գյուղատնտեսական հաստատություններում աշխատող անչափահասների ճիշտ հաշվառումն կատարել:

3. ԱՍՍԻՍՏԵՆՏՆԵՐԻ ԳՈՐԾՈՒՆԵՅՈՒԹՅՈՒՆԸ.

Ա. Ձեռնարկությունների զիսողությունը յեվ ծանոթացումն նրանց հետ.

12. Նախքան ձեռնարկությունը քննելն ու անչափահասների աշխատանք-

քի պայմաններին ծանոթանալն, աստիս-
տենստը պարտավոր ե պարզել, ագմի-
նիստրացիայի, գրասենյակի, ԼԿՅԵՄ
բջիջի գործավարի կամ տեղկոմի
տվյալներով, այդ հաստատության ան-
չափահասների թիվը, նկատի ունենա-
լով նրանց նվազագույն տոկոսը, ար-
տադրության բնույթը, ինչ աշխա-
տանք են կատարում անչափահասները,
և պահպանված ե արդյոք նրանց հա-
մար վորոշված տոկոսը:

13. Աշխտեսչի հետ, ինչպես նաև
նրա հանձնարարությամբ ստուգելիս,
թե ինչպես են տարվում հիմնարկու-
թյան պարտադիր գրքերը և աշխա-
տանքին վերաբերող գործավարու-
թյունը, աստիստենտն ուղադրություն ե
գարձնում հետևյալի վրա. —

ա. Կա արդյոք փոքրահասակների և
անչափահասների զբանցման գիրք և
կանոնավոր տարվում ե նա:

բ. Բոլոր փոքրահասակ անչափահաս-
ները գրված են այդ գրքի մեջ:

գ. Կան արդյոք հաշվառման գրքույկ-
ներ:

դ. Ունեն արդյոք մասնավոր մանր
տնայնագործական ձեռնարկությունե-
րը աշխատանքի պայմանագիր, վորն
արձանագրված ե աշխատանքի տես-
չության մեջ:

ե. Աշխատում են արդյոք 14—16
տարեկան հասակ ունեցողներ և ունեն
արդյոք աշխտեսչի թույլտվությունը
զրա համար:

4. ԲԱՆՎՈՐԱԿԱՆ ԺԱՄԱՆԱԿ ՅԵՎ ՀԱՆ-
ԳԻՍՏ.

14. Անչափահասների և բանվորնե-
րի հարցուփորձից, գրքերով, տախ-
տակներով և ուրիշ տվյալներով աստիս-
տենտները պարզում են՝

ա. 14—16 տարեկան անչափահաս-
ների համար կիրառվում ե արդյոք
4. ժամյա բանվորական ուր:

բ. 16—18 տարեկանների համար
կիրառվում ե 6- ժամյա բանվորական ուր:

գ. Աշխատեցնում են անչափահասներին գիշերները, կամ արտաժամյա աշխատանք ունեն նրանք:

դ. Տեղի չի ունենում անչափահասների բանվորական որվա ավելացում շնորհիվ հատավճար ու հարվածային աշխատանքների:

ե. Տրվում են փոքրահասակներին և անչափահասներին հերթական արձակուրդներ ամառվա ամիսներին (մայիս, հունիս և հուլիս) և ինչքան ժամանակով:

զ. Ոգտվում են անչափահասները վտանգավոր արտադրություններում լրացուցիչ արձակուրդներով:

5. ԱՇԽԱՏԱՆՔԻ ՎԱՐՁՍՏՐՈՒԹՅՈՒՆ.

15. Աստիստենտները գործարկում են ընդհանուրներին կամ արհմիության լիազորներին, ինչպես նաև առանձին բանվորներին հարցուփորձ անելով, աշխատավարձի ցուցակները և ստուգ-

ման զրբույկներն ստուգելով պարզում են՝

ա. Ինչպես է կատարվում աշխատանքի վարձատրությունը: Տարիֆով, թե՞ նրանից դուրս:

բ. Ինչքան ժամանակ է, վոր անչափահասը բավարարվում է միևնույն կատեգորիայով:

գ. Կարգից կարգ փոխադրումը կատարվում է մեքենայորեն, թե՞ վորակավորման բարձրացման հետ զուգընթաց:

դ. Անչափահասի միջին աշխատավարձի չափը:

ե. Վարձատրվում է արդյոք անչափահասի կրճատված բանվորական որը լրիվ բանվորական որվա չափով և հասակավորի համապատասխան կատեգորիայով:

զ. Յեթե տեղի ունեն հատավճար և հարվածային աշխատանքներ, ապա վարձատրվում են նրանք և ինչպես:

է. Ստանում են անչափահասները

հավելլալ աշխատավարձ, և ի՞նչպէս ե վորոշվում նրա տոկոսը:

ը. Հասնում ե արդյոք անչափահասների տարիֆային դրույքն աշխատավարձի վորոշված նվազագոյնին:

Թ. Տրվում ե արդյոք աշխատավարձը կոլլեկտիվ պայմանագրի սահմանած նորմայով:

Ժ. Բաց թողնվում ե արդյոք աշխատավարձը 2 շաբաթը մի անգամից վոշ ուշ և տրվում ե նա իր ժամանակին, բանվորական ժամին:

Ժա. Կատարվում ե արդյոք դրամական վարձատրության փոխարինում մթերքներիով, բացի պայմանագրերով սահմանվածներէ:

Ժբ. Չէ՞ն կատարվում արդյոք դրամական ապուրինի գանձումներ:

6. ՊՐՈՅԱՌՈՂՋԱՊԱՀՈՒԹՅՈՒՆ ՅԵՎ ԱՐ-ԴՅՈՒՆԱԲԵՐԱԿԱՆ ՍԱՆԻՏԱՐԻԱ.

16. Աշխտեսչի հանձնարարությամբ ձեռնարկությունների պրոֆաուդշու-

թյան և սանիտարիայի անմիջական հետազոտություն կատարելիս աշխտեսչի ասսիստենտներն ուշադրություն են դարձնում՝

ա. Կա՞ սապոն և սրբիչ:

բ. Կա՞ լվացարան և յեռացրած ջուր:

գ. Կա՞ անունդ ընդունելու համար հատուկ շենք:

դ. Մաքրվում են արդյոք կանոնավոր կերպով բանվորական շենքերը փոշուց, սարգից, տաշեղներից:

ե. Նկատվում են անչափահասների մեջ պրոֆեսիոնալ հիվանդության փաստեր ու դեպքեր:

զ. Հիվանդության տեսակն ու պատճառը:

է. Սահմանված ե անչափահասներին քնասակար արտադրություններից հեշտ աշխատանքների փոխադրման ժամանակամիջոցը:

7. ՍԱՆԻՏԱՐԱԿԱՆ ՈԳՆՈՒԹՅԱՆ ՏԵԽՆԻԿԱ.

17. Աշխատանքային կարգադրու-
թյամբ հաստատության տեխնիկական
գրությունն ստուգելու և նախորդ յե-
ղած կարգադրությունների կիրառմանը
հետևելու նպատակով աշխատանքի աս-
սիստենտներն ուղարկություն են դար-
ձնում՝

ա. Թողնում են, վոր անչափահա-
սերն ինքնուրույն կերպով դազվա-
ների, մեքենաների և այլ տեխնիկա-
կան հարմարավոր աշխատանքներ կա-
տարեն, վորոնց վրա կարող են աշխա-
տել միայն հասակավորները:

բ. Մեքենաները և այլն ունեն հա-
մապատասխան ապահովեցուցիչ մասեր՝
գժբախտ պատահարներից խուսափելու
համար:

գ. Կան արհեստանոցներում ողանցք-
ներ և նորմալ գործում են նրանք:

դ. Հաստատված են փոշեծծիչներ:

ե. Մաքրվում են բանվորական շեն-

քերն ավելորդ իրերից, յերկաթի կտոր-
ներից, մնացորդներից և այլն:

զ. Ստանում են անչափահասներն
իրենց աշխատանքին համապատասխան
արահագուստ:

է. Չեն լցված շենքերը դանազան
նյութերով, և անցուղարձի բավական
ճանապարհներ կան:

ը. Սահմանված են արդյոք անչա-
փահասների ծանրություններ փոխա-
դրելու նորմաները:

8. ԱՆՁԱՓԱՀԱՄԱՆԻՐ ՊԱՐՏԱԴԻՐ ՏՈԿՈՍԸ.

18. Անչափահասների պարտադիր տո-
կոսն ստուգելիս աշխատանքի ասսիս-
տենտներն ուղարկություն են դարձը-
նում հետևյալ մոմենտների վրա. —

ա Ի՞նչ տոկոս է սահմանված տվյալ
հիմնարկության համար:

բ. Ի՞նչ տոկոս է լրացված:

գ. Ի՞նչ պատճառներ արգելք են հան-
դիսանում անչափահասների տոկոսն
անցկացնելուն:

դ. Կան արդյոք հեռանկարներ մտաւոր ապագայում տոկոսը լրացնելու:

ե. Ի՞նչ քանակությամբ աշակերտներ են մտնում անչափահասների սոկոսի մեջ:

զ. Ի՞նչ հասակի աշխատողներ կան տվյալ հաստատության տոկոսի մեջ, և ի՞նչ միջոցներ են ձեռնարկվում նրանց պարտադիր տոկոսից հանելու:

9. ԱՐՏԱԲՐՈՆԻԱ.

19. Աստիստենտներն ուղադրություն պիտի դարձնեն նաև, թե գործադրվում է արդյոք հաստատություններում անչափահասների արտաբրոնիա (сверх-броня). որինակ՝

ա. Անցկացվում է բրոնիայից դուրս արտաբրոնիա:

բ. Ի՞նչ քանակությամբ անչափահաս ե ընդունված արտաբրոնիայի կարգով:

զ. Բացի ապահովագրական որգանների հաշվին պահվողներից, կան ելի արտաբրոնիայի մեջ մտնողներ:

10. ԳՈՐԾԱՐԱՆԱՅԻՆ ԿՐԹՈՒԹՅՈՒՆ.

20. Գործարանային դպրոց ունեցող ձեռնարկություն հաճախելիս աստիստենտները պետք է ծանոթանան.

ա. Կանոնավոր սովորեցնում են:

բ. Կան թեքումներ նշված ծրագրից:

զ. Կոնոնավոր են ոգտագործվում աշակերտները գործբաժինների աշխատանքներում, վորոնք վորակավորում են տալիս:

դ. Ոգտագործում են անչափահասներն իրենց ագատ ժամերը դպրոցներում, ալումբներում կրթություն ձեռք բերելու:

ե. Աշակերտությունն անցկացնող կոմիսիայի աշխատանքների հետ:

զ. Աշակերտներին, պրոֆկոմների, շրջկոմների ներկայացուցիչներին հարցաքննելով պարզվում են մանկավարժական մասի թերությունները:

21. Աշխտեսչի աստիստենտներն իրենց հերթական և կրկնակի հարցա-

քըննու թյուններով ադմինիստրացիայի ներկայացուցիչներին, գործարկումներին, պրոֆկոմներին, շրջկոմներին հայտնաբերում են մանկավարժական մասի պակասությունները, նրա կազմի անբավարար լինելը և դպրոցում նկատած բոլոր թերությունները կրթության գործի վերաբերմամբ: Հայտնում են տեսչի միջոցով արհուսվարչությանը, վոր այդ պակասությունները վերացնելու համար միջոցներ ձեռք առնի:

11. ԽՄԲԱԿԱՅԻՆ ԱՇԱԿԵՐՏՈՒԹՅՈՒՆ.

22. Ձեռնարկությունները հաճախելիս աստիստենտները պարզում են, թե կա արդյոք խմբակային աշակերտություն, ծանոթանում են նրանց վիճակի հետ, նաև առանձնապես ուշ են դարձնում՝

ա. Ինչքան անչափահասներ կան նրանց մեջ մինչև 18 տարեկան հասակը և բարձր, ամեն մեկը առանձին առանձին:

բ. Սովորեցնելու ժամանակը բրիգադայում:

գ. Կան աղջիկներ և ինչքան:

դ. Կա ծրագիր և ինչպես է նա կիրառվում:

ե. Բավական են գործիքները, գազգյահները և ուրիշ տեխնիկական համարությունները:

զ. Սովորեցնելու ժամանակամիջոցը խմբակում:

է. Հատուկ շենքի մեջ է գտնվում, թե ուղղակի արտագրության մեջ:

ը. Լինում է պատվերների բացակայություն և ինչո՞վ է դա բացատրվում, վորակյալ ուժի պակասով, թե ուրիշ պատճառներով:

12. ՊՐՈՖՏԵԽՆԻԿԱԿԱՆ ԿՐԹՈՒԹՅՈՒՆ.

23. Պրոֆտեխնիկական դասընթացներ, պրոֆդպրոցներ, հատուկ տեխնիկական դպրոցներ քննելիս աշխատասուհների աստիստենտներն ուղարկության են առնում՝

ա. Կրթություն ստանալու տևողությունը:

բ. Սովորողների թիվը ըստ սեռի և հասակի:

գ. Քանի՞ դասարան ունի դպրոցը, և ի՞նչ մասնագիտություններ են սովորեցնում (մեխանիկական, շինարարական, յերկաթուղային, ելեկտրոտեխնիկական):

դ. Կան այդ դպրոցներին կից ոժանդակ աշխատանոցներ սեփնարական պարապմունքների համար, գիտական-ցուցադրական դասարաններ և զբաղարաններ:

ե. Յեղեղ են ավարտողներ, ի՞նչքան և ի՞նչ մասնագիտություններով:

զ. Համապատասխանում ե դպրոցն արտադրության պահանջներին և մատակարարում ե անհրաժեշտ տեխնիկական ուժեր:

է. Ի՞նչ բացասական կողմեր կան դպրոցի կրթական գործում:

ը. Բավարժը են նյութերը:

թ. Կան նախապատրաստական բաժանմունքներ:

13. ՍՆՀԱՏԱԿԱՆ ԿՐԹՈՒԹՅՈՒՆ.

24. Մանր ձեռնարկությունները քննելիս, վորտեղ կան անհատ-աշակերտներ (մանավանդ մասնավոր, տնայնագործական), աստիստենտները պարզում են.

ա. Ի՞նչն ե պատճառը անհատորեն սովորելու (դպրոցի բացակայությունը, թե՞ չկա սովորեցնելու ավելի լավ միջոց):

բ. Քանի՞ աշակերտ կա:


գ. Կա՞ ծրագիր և նա կիրառվում ե:

դ. Ուշադրությամբ հետևում ե վարպետն անչափահասի սովորելուն:

ե. Աշակերտներն ամրացվում են վարպետներին, թե՞ ուղղակի վորակյալ բանվորներին:

զ. Յուրաքանչյուր սովորեցնողին քանի՞ աշակերտ ե ընկնում:

է. Աշակերտները կողմնակի աշխատանքի չեն լծվում:



ՀՀ Ազգային գրադարան



NL0766445

1

2352



ԳԻՆԸ 25 ԿՈՊ.